

東川府續志卷之一

目錄

風俗	城池	沿革	官署
郵傳	關汛塘	津梁	水利
戶口	田賦	積貯	課程
經費	物產	蠲卹	學校
書院	義學	典祀	寺觀
兵制	戎事	職官	祥異
忠烈	循吏	土司	孝行

東川府續志

卷之一

目錄

東川府續志卷之一

風俗

東川風俗自嘉道以來涵濡 聖澤士漸崇實民
皆向義駸駸乎有日上之象迨兵興以後疊經困
苦流離較前尤覺質樸

城池

道光二十四年知府李德生知縣黃夢菊因城垣
坍塌稟請重修照前規模加高三尺內皮改用方
石扣砌另用淨土築填牢實垛口排牆一律折砌

東川府續志

卷之一

一

添用新磚石帽樓櫓砲臺柵門重新建造較前堅
固城身高貳丈一尺週圍垛口一千三百七十二
個共用銀一萬六千三百六十六兩六錢係官紳
士民籌捐並未請 帑事竣題 奏蒙議敘在案
同治十年五月大雨城西北西南隅各傾塌二十
餘丈閭郡捐貲修補光緒六年四門城樓年久朽
壞署知縣秦述先由公款稟請重修

沿革

雍正五年設分防待補巡檢司一員則補巡檢司



一員後廢改設分防者海巡檢司一員移會澤縣
分防者海典史一員附郭光緒九年添設巧家廳
學訓導一員會澤縣學訓導一員

官署

通志所載文武官署並未改建遷移惟教授署向
在藩甸門外文廟右光緒八年添設縣學奉文修
建將教授署移建文廟之左訓導署新建於文廟
之右共用銀二千餘金由地方公田籌款

寶東錢局舊在東門外年久坍塌光緒三年署知

東川府續志

卷之一

二

府李衍綬重修

京銅店舊在寶東局右年久坍塌知府蔡元燮請
款重修

縣監獄舊在縣署儀門外右邊年久坍塌光緒元
年知縣崔煥章請款重修三年署知縣唐湛春又
修

演武廳舊在西門外金鐘山下兵燹後蹂躪過半
同治丙寅年學憲梁就東考試由棚費撥款重修
考棚一所舊在城內西南隅萬壽亭左昔爲日新

書院規模狹小向來府縣歲科試童均在於此後
應試人多光緒九年請設專棚奉文修建巧會官
紳公同勘估原其舊趾添買民房地基擴充廣大
自上房以至轅門新建屋宇七十餘間東西文場
十八舍共用銀四千餘百金俱由兩屬籌款
養濟院舊在東城外礦神廟之右嘉慶十七年郡
紳前湖南提督劉君輔捐銀二千七百餘兩置田
收穀以養老孤年久廢弛同治十年經嗣子南甯
縣訓導劉瑩根究歸復又得郡紳楊盛宗任仕斌
呂鎮南暨閭郡糧商陳朝良容朝宗等捐銀數千
金添買田地年收租息常養老弱殘疾三百餘人
按月發給口糧至今未替

郵傳

東川僻處偏隅不當孔道改土以來解運京銅民
閒夫役概蒙豁免所有公文往來均由塘兵遞送
未置郵傳號馬

關哨汎塘

關哨汎塘自道光十二年後並無改建間有朽壞

營中隨時修葺左軍大水塘汎協防待補汎現設
千總一員外委一員兵分十九塘卡左軍者海汎
協防牛欄江汎現設把總一員外委一員兵分十
五塘卡左軍湯丹汎協防陳機卡汎現設把總一
員外委一員兵分十四塘卡右軍巧家汎協防魯
木得汎安機租汎現設守備一員把總一員外委
一員兵分十塘卡右軍索橋汎協防法納江汎現
設千總一員外委一員兵分十九塘卡右軍則補
汎現設把總一員兵分九塘卡右軍弩革汎現設

東川府續志

卷之一

四

外委一員兵分十五塘卡

津梁

福海橋在城西十里馬鞍山旁郡人何映璧捐建
咸豐十一年大水冲决二空今尙存一空無力重
修

春影橋舊在尙德鄉闡洞跨以濯河通四川會理
州大路年久傾圮光緒五年經郡人陳保泰施恩
昌徐致君等捐貲六百餘金重建

福壽橋在城北三里居蔓海之中跨梅子河上通

昭通大路高二丈零濶一丈五尺光緒七年郡人
唐鼎盛新建

同善橋距城西北三十里在銀廠坡脚通會理州
大路光緒六年郡人士陳丕昌鄭興東柳載等捐
貲二千餘金新建

鐵索橋距郡城一百一十里在巧家善長里係會
澤入巧大路兩岸石壁嶙峋下有深溪百餘丈納
那姑黑露二甲之流水勢洶湧夏秋不可渡乾隆
閒職員劉漢鼎獨出貲財鑿山開路創建石橋經

東川府續志

卷之一

五

八年始成因石工久宿其地土人遂呼爲石匠房
後蛟泛橋圯僅於溝底危支以木行人不時傾沒
光緒七年江西商人王世泰夏永順各號捐金數
千另由峭壁中間鑿石通穴約二里許可容轎馬
又於懸崖絕處煉鐵鎖橋往來官商咸嘉賴之董
其事者惟鄉飲增生鄭興東獨任其勞現已告成
武城橋距城百里在鷓雞梅香箐光緒八年夷人
安克新建

水利

崇禮鄉水碓一在那姑樂理村後一在那姑棠梨樹了口乾隆二十一年知府義甯鑿引密樹卡水灌樂理村田然田多水少仍苦難週嘉慶元年郡人鄭榮之續請鑿通樂理後山深十餘里引以濯河水灌溉田園是爲上水洞後水大難瀉田復被淹道光二十五年其孫鄭興東稟請於棠梨樹山腳鑿石通穴由乾海子瀉出咸豐十一年告成是爲下水洞

長公堤在郡城外東南隅礮神廟後先是靈壁諸山之流沿郡城而下每山水驟漲城內外均受其害道光十五年權郡守長明築石堤以禦之患始息復倡捐歲修銀兩置田八畝交河工首事人經管以永其利

東川府續志

卷之一

六

戶口

會澤烟戶據府志所載自雍正九年編審詳明俱係客籍永不編丁茲由保甲彙查本城內外四鄉五里共一萬九千一百八十伍戶計男婦大小七萬六千七百七十二丁口內有新添客籍悉無家

室去來無定今就現在戶口開載嗣後應須隨時
編查

田賦

府署額征碧穀可柯小江三庄秋租米二千三百
四十石零除歷年被水石冲埋豁免外現在實征
租米一千四百三十七石零光緒十七年據可柯
庄樂業火燒二甲花戶蕭文交等具報被水冲淹
官庄田三頃一畝七分九釐每年應完租米六十
九石五斗九升八合八勺經前府蕭稟奉委員會

東川府續志

卷之一

七

勘詳奏奉文蠲免五年租米限滿仍未墾二十二
年復經本府馮稟請委員錢福嗣會勘詳奉批示
自二十二年起至二十四年止再免三年租米勒
令墾復起征十八年據碧穀庄花戶李發春等稟
報該鄉起戛村陡被水災冲淹官田七頃六十三
畝三分零一毫每年應完租米一百二十一石八
斗二升二合一勺五抄經前府蕭稟請委員會勘
詳奏蠲免一年租米後任府蹇復詳免二年捐廉
賠解一年租米二十二年限滿復詳奉批示此項

租米應扣至二十三年始行限滿屆期如仍荒蕪
再行稟辦

會澤縣原額成熟民田七百八十七頃零內分上
則田二百零九頃一十六畝八分二釐每畝科糧
四升該秋米八百三十六石六斗七升零中則田
二百五十九頃九十畝零每畝科糧三升該秋米
七百七十九石七斗一升零下則田三百一十八
頃二畝零每畝科糧二升該秋米六百三十六石
零 以上三共實征秋糧本色米二千二百五十

東川府續志

卷之一

八

二石零每石合條編銀五錢三分共合條編銀一
千一百九十三兩七錢九分零

會澤原額成熟菽糧地八百三十五頃三十九畝
零每畝科菽糧折銀九釐六毫共折菽糧銀八百
零一兩九錢八分二釐一毫二共實徵條編菽折
等銀一千九百九十五兩七錢零又隨欵額徵耗
羨銀三百一十九兩八錢零又隨徵奏平銀一百
九十九兩五錢零以上通共實徵條編菽折耗羨
奏平等欵銀二千五百一十五兩二錢零同治十

三年十二月二十三日奉文徵九免一扣至光緒九年期滿應徵九成額徵銀二千二百六十三兩七錢零

巧家廳現在實徵八成稅秋米二百八十六石零條公等銀四百七十五兩零

積貯

義倉在府署前道光三十年知府汪之旭率閭郡捐資新建倉四楹爲廩十二殷實輸米四千京石以備旱澇咸豐六年地方變亂發養兵練無存光

東川府續志

卷之一

九

緒三年知府李衍綬因辦賑餘款復率閭郡倡捐買腴田百餘畝收租存積交紳糧輪流經管立有石記光緒十八年地方歉收知府蕭鳳儀開倉平糶辦賑存倉穀米仍復用完今積蓄數年現存倉米二百五十京石府倉歷任交代存倉京斗米三百三十八石八斗一升

縣倉存積與通志所載無異

課程

會澤縣每年額解牲稅銀四十一兩三錢零九釐

遇閏加解三兩四錢零二釐

白銅稅課銀四十八兩九錢九分年終彙解 藩

憲衙門

者海鉛廠課餘銀二百二十兩至軍興後廠務廢
弛前臬憲倉開爐試鑄每月認定申解課餘銀十
二兩按季批解現歸公司局

經費

知府養廉一千二百兩外辦理銅務養廉二千四
百兩自軍興以來銅政屢改所有一切經費概不

東川府續志

卷之一

十

開支僅由鑛山廠銀課項下坐支減成半廉四百
八十兩光緒九年廠務另委員經營而此項改由
藩庫請領至今虛懸未領 役食二百四十六兩
春夏二季由鑛山廠課坐支四十七兩零秋冬二
季由縣條條糧項下解一百一十六兩零光緒九
年鑛山廠委員經營此四十餘兩今未領光緒九
年奉文由釐局按月撥給知府經費銀六十兩
又移設會澤縣訓導一員每歲該支俸工銀六十
四兩

物產

舊志採入並無增減惟銅廠自咸豐二年以前各知府所辦京銅俱運瀘店交收自三年起因協餉不濟奉文停止京運又值地方兵燹各廠廢弛知府汪之旭孔昭鈔文達許濂等任收買鑄錢以濟民用同治十年起至十二年止委員牟正昌張新已等赴東設局辦出銅斤通商抽課同治十三年起 奏請札委紳商牟正昌戴國恩張新已楊好謀等採辦京銅運赴省局交收光緒四年四月

東川府續志

卷之一

十一

奉文歸復舊制仍交知府蔡元燮接辦所出銅斤改運百色局交收光緒七年十一月知府蔡元燮交卸銅務委候補道魏鼎薰接辦至八年十一月止辦出銅斤仍運百色局交收光緒八年十一月魏鼎薰交卸銅務委高正寅牟正昌楊好謀接辦所出銅斤改運瀘店交收後設招商局歸署知府全赫績採辦現又歸公司局委員採辦由瀘解

京

蜀卹

咸豐八年因回逆屢叛居民逃散奉文蠲免碧穀壩小江兩處積年官租一千九百六十二石零並湯丹碌碌大茂四廠廠欠

同治三年因歷年水石沖淤田土不能開墾奉文永免碧穀壩官庄租米三百一十五石零小江官庄租米三十四石零 五年因木邦土司懇請奉文減免會澤採買米石將生息田發回自行耕種 十年水災奉文減免會澤本年錢糧四成 十三年善後因接年兵燹地方蹂躪田土荒蕪經前

東川府續志

卷之一

十三

巡撫岑 奏奉文會澤錢糧暫行徵九免一俟十年期滿再行復奏光緒五年集義鄉碧穀壩一帶山水泛漲沖淤田畝急難開墾奉文暫免官庄租米一百一十六石零民田秋米二十九石零條公等銀二十五兩零民地葭折等銀一十一兩零俱免十年 七年碧穀壩官庄復被水沖所有被災租米八十三石零奉文暫行蠲免六年

廟學

咸豐八年學宮大成殿災十一年知府孔昭鈞教

授陳維愷率閭學重建

學額

東川府原額設文武學各十五名今酌裁文學五名武學四名作爲廳縣學現在共取進文學十名武學十一名其廩增出貢仍舊光緒八年奉部文議准會澤縣新設文學五名武學四名酌裁府學原額文學三名武學二名添作縣學共額設文學八名武學六名廩增出貢統俟五屆後再議 巧家廳新設文武學各二名酌裁府學原額文武學

東川府續志

卷之一

三

各二名添作廳學共額設文學四名武學四名廩增出貢統俟五屆後再議

書院

西林書院舊在縣署左光緒九年改建考棚書院仍移於文廟旁魁星閣後

義學

自道光十二年後通志所載並無改異二十六年郡庠劉清源捐本族公業包谷租七石坐落敦仁鄉卡狼箐卽在所捐地面建蓋義學一堂以教鄉

童

光緒三年貴州都勻協副將任仕斌新置義學一堂在郡城西門外天官廟捐租穀二十石零五斗延師教讀永供束修 又置義學一堂在寧靖里鷓雞觀音寺捐菽租二十石延師教讀
光緒八年郡人陳開元新添義學二堂一在北門外三元宮一在東門外福德祠各捐穀租十石延師教讀永供束修

典祀

東川府續志

卷之一

古

天后宮舊在郡城南門外通志載在俗祀道光二十三年奉文追封天后父母知府李德生知縣黃夢菊勸捐功德增建積慶宮後殿旋燬於兵火

寺觀

太陽宮距城四十五里在那姑同治十一年鄉宦陳丕昌新建

仁智菴距城五十里在崇禮鄉興鄭村後光緒九年增生鄭興東獨力創建中祀龍神因水碓告成建以報功者四圍有壽星山得道嶺活石峯掌扇

坪皆翠巘丹壑天然秀麗菴內引水爲池架石成橋樓臺翫映樹木參差四時登臨足以娛目騁懷洵勝境也

觀音寺距城九十里在鷓鴣光緒元年副將任仕斌重建

周濂溪祠在集義鄉距城一百二十里光緒間士民呂道欽尹德懋等五姓新建

兵制

道光二十二年裁馬兵一名戰兵四名守兵五名

東川府續志

卷之一

五

咸豐二年裁馬兵十八名改添戰兵十八名三年裁戰兵六十四名守兵八十六名光緒元年將馬兵全行停止戰守兵裁七留三又於二年添足五成戰守兵四百七十五名於十四年七月奉文抽調三成戰兵一百二十九名現實設戰兵八十五名守兵二百六十一名

戎事

咸豐三年三月湯丹回匪馬二花等叛參將明恆率師往勦戰於烏竜官兵盡歿二十八日郡城回

匪接叛燒燬西門外民房舖面二千八百餘間知縣吳世涵率民壯保護城垣賊竄至後山接連以濯河回匪到處燒殺夷民安國泰團練堵禦屢獲大勝後戰於華竹箐失足被賊砍爲數段六月大兵雲集賊疫請降獻逆首馬二花桂建中解省正法 六年以濯河回匪楊文興又叛知府汪之旭調江外客長楊玉衡敦仁鄉團首楊九齡帶練攻勦賊竄就撫 七年江外各廠回匪叛楊玉衡率子盛宗齊團屢勦殺獲甚多餘賊竄逃江外肅清

東川府續志

卷之一

六

八年尋甸回匪馬天喜勾結裸夷袁橋保等蔓延碧穀壩新村一帶盤踞半年爲害尤甚知府孔昭鈐相機辦理九年二月始行收復 十年烏竜回匪馬四吊毛滋擾碧穀壩等處知縣黎新德率練往擊追至尋甸紅果圍攻破賊巢 十一年以濯河積匪勾結昭通張回匪紮踞城外四山潛於正月初五日雞鳴撲城武監蘇子陽率練死拒大戰於金鐘山後力盡被殺後數月賊始平 同治元年十月江南大股長髮竄擾集義鄉一帶

大肆殺掠勘災委員會澤縣典史郭樹雲遇害賊
由金沙江入川盡殲於大渡河片甲無存

官制題名

知府

吳肇堂 湖南人

長明 旗人

徐金生 浙江衢州人舉人

彭舒萼 湖南長沙人翰林

李德生 河南南陽人進士

汪之旭 江西臨川人副榜

孔昭鈔 直隸獻縣人俊秀

許濂 安徽人俊秀

黎新德 四川閬中人拔貢

苑文達 貴州鎮遠人監生

東川府續志 卷之一

七

王植 廣西人舉人

蘇長豐 陝西三原人議敘

廣潤 旗人舉人

靳登瀛 直隸河間人副榜

李衍綬 山東德州人俊秀光緒三年署

王汝霖 湖南長沙人監生

蔡元燮 湖南武陵人舉人

余澤春 湖南武陵人拔貢

黃紫詔 貴州印江人監生光緒十一年任

全楸績 浙江山陰人監生十二年署

卓維芳 廣東香山人光緒十三年代理

冷繼先 貴州貴筑人附監生十三年署

劉春霖 貴州安順人翰林光緒十五年署

舒之翹 安徽黟縣附生十五年任

易為霖 貴州綏陽人附生光緒十六年署

蕭鳳儀 江西泰和人監生十七年署

蹇念咸 貴州遵義人優廩生光緒十八年署

馬晉錡 四川成都人監生二十年署

馮譽驄

四川什邡人舉人
光緒二十二年署

知縣

傅吉修

四川成都人優貢
道光十三年署

劉德溥

江西章新縣人
監生道光十四

夏兆恆

湖北江夏人監生
道光十四年署

年

辛本榮

山東蓬萊人進士
道光十七年署

蕭

榕

廣東始興人
監生道光十

黃夢菊

江西金谿人進士
道光二十三年任

五年署

聶鏞敏

湖南衡山人舉人
道光二十七年署

吳開陽

江蘇如皋人
進士道光十

樓瓊

浙江金華府人進士
咸豐元年任

八年任

東川府續志

卷之一

六

華國清

四川瀘州人
進士四年任

馬建勳

安徽桐城人監
生道光二十六

靖華璧

湖北黃岡人
同治元年任

年署

陸希曾

甘肅狄道州人
優貢七年署

王毓秀

安徽六安州人
進士二十八年

任傳綸

江蘇宜興人翰
林同治九年署

署

柯大椿

安徽人舉
人九年任

吳世涵

浙江遂昌人
進士二年署

黎新德

四川閬中人
拔貢十年任

夏以勤

浙江山陰人
監生三年署

龔敬敷

四川閬中人
進士八年任

夏廷燮

貴州人監生
九年代理

卞庶凝

江蘇人舉人
十二年署

鄧家榮

湖南新甯人從
九光緒元年署

崔煥章

四川巴縣人翰
林十三年署

馬錫蕃

四川蕃陽人
舉人三年署

朱坦能

四川蓬溪人舉人光緒二年任

秦述先

湖北江陵人增生五年署

唐湛春

貴州貴筑人四年署

劉馨遠

湖南辰谿人廩生八年署

樂理瑩

貴州貴筑人進士六年署

寇嘉言

四川邛州人監生十年任

王秉鑑

河南光山人監生九年署

王宗炎

浙江會稽縣監生十五年署

張坦

廣西臨桂縣舉人十四年署

王德中

浙江山陰縣拔貢十七年署

李明塾

江西德化縣貢生十六年任

宋惠方

貴州貴筑縣附生二十年署

曹衍瀚

江西瑞昌縣監生十九年署

李慶鏞

直隸通州舉人二十二年署

張坦

二十一年署

東川府教授

東川府續志

卷之一

九

何冕

道光十二年選

李廷璜

道光十三年署

王秩教

蒙自縣人知縣改十五年選

唐際昌

雲南府人舉人二十二年選

黃鎮

二十四年署

張鍾璋

昆明人舉人二十四年選

陳旬

昆明縣舉人二十七年選

木永清

嵩明州舉人二十八年選

余福謙

太和人知縣改二十九年選

陳維愷

昆明人舉人咸豐九年署

呂清

昭通府人舉人同治元年選

許懷綸

石屏州舉人十年選

董燮元

安甯州廩生光緒七年署

趙永昌

新興州人進士七年選

會澤縣訓導

湯孫裔

永昌府貢生八年新設

楊春森

昆明人附貢光緒九年選

劉乾元 元江人舉人光緒十九年署

宋培厚 晉甯人舉人十九年任

巡檢

張釗 道光三十年任

丁綬 浙江長興人廩生十八年任

湯潔 直隸清宛人吏員二十一年任

屠祖垣 湖北孝感人二十五年任

章官建 浙江烏程人監生成豐元年任

楊守誠 安徽涇縣人監生二年任

金啓會 江蘇太倉州監生五年任

程慶善 江蘇吳江人監生六年任

金啓會 六年任

梅萼 貴州貴筑人七年任

夏源 貴州麻哈州監生同治二年任

張開杞

徐鳴鐸 河南人

顧民崖 四川人監生十三年任

東川府續志 卷之一

三

錢鈺 四川忠州人監生光緒元年任

蕭光明 江西太和人監生七年署

錢鈺 七年任

胡啓銳 四川會理州人監生九年任

劉汝楫 湖南湘鄉縣人文童十一年任

劉濟清 湖南武陵人十六年署

劉汝楫 十七年任

劉松壽 十八年署

趙從治 四川樂山縣人吏員二十年任

典史

趙桂孫 道光三十年任

鈕鳴臬 順天宛平人監生十四年任

嚴聯第 廣東陽春人監生十五年任

孫耿臣 浙江鄞縣人監生十六年任

熊象樽 安徽人監生十八年任

陳大成 河南光州人貢生

劉煒烈 湖北江陵人 監生二十年任

陳廷俞 浙江梅鹽人 監生二十五年署

馮加淦 浙江山陰人 職員二十六年署

黃福奎 浙江杭州人 監生二十七年任

徐彥 順天通州人 吏員二十九年署

陳文德 順天通州人 監生三十年署

彭岱鍾 湖北江夏人 監生咸豐元年署

金啓會 署二年

郭樹雲 順天大興人 監生四年任

陳誥 四川成都人 監生九年任

黃元玠 貴州鎮甯人 附生十一年任

石振鏞 福建閩縣人 監生同治二年署

聶豫 湖南衡山人 監生

石泰 貴州人 監生四年任

袁治忠 貴州平越人 監生五年任

葉青 四川璧山人 監生七年署

章澄 浙江會稽人 監生八年任

周樹桐 四川華陽人 監生十三年署

東川府續志 卷之一

三

劉金坤 浙江會稽人 監生十三年署

陳聖欽 廣東海康人 監生光緒元年署

王化南 四川蒲江人 貢生二年署

孫燮 四川邛州人 從九三年署

許登錄 四川人 監生四年任

周承露 署五年

錢模 四川華陽人 吏員六年任

柴作舟 四川人 吏員十四年署

王鳳池 四川華陽人 監生十四年署

劉濟清 十六年署

趙從治 四川人 十八年署

周鴻裔 四川巴縣人 文童二十年署

周樹棠 四川金堂縣人 監生二十一年署

東川營參將

良什寶 旗人

瑞麟 旗人

烏金額 旗人

札克當阿 旗人

常景運 河南人 道光二十二年任

祥瑞 旗人 道光二十四年任

察興阿 旗人 二十五年任

慶勳 旗人 二十六年任

愛興阿 旗人 二十七年任

韓清傑 河南人

寶揚輝 昆明人

孝順 旗人 二十八年任

陳起貴 四川人 二十九任

魁昌 旗人 三十任

惠成 旗人 咸豐元年任

明英 旗人 三十二年任

明恆 旗人 世襲三等男爵 三任

申有謀 貴州人 四任

白仁鵬 昆明人 四任

王濤 新興人 五任

東川府續志 卷之一

三

恆權 旗人 六任

倭什渾泰 旗人 八任

楊盛宗 巧家人 軍功 同治元年任

馬文龍 昭通人 行 五十四任

劉步龍 巧家人 軍功 五年署

劉萬勝 湖南人 六任

王維金 江南人 十年任

彭煥章 湖南人 十年署

長德 旗人 十年署

楊好謀 巧家人 軍功 光緒二年署

錢汝達 陸涼人 四年署

和述廷 鶴慶人 五年任

范清 貴州人 六年署

梁勝章 貴州人 七年任

劉得勝 湖南人 九年署

鄧光猷 湖南人 十年署

林遇春 四川人 十年署

何秀峯 雲南府宜良人 軍功 十一年署

楊發貴

雲南縣人軍功十二年署

李朝相

廣西西林縣人軍功十三年署

王維金

江南甯府人軍功十三年任

錢大川

雲南縣人軍功十七年署

張樑

貴州麻哈州人軍功十八年任

王天長

尋甸州人軍功十九年署

李德濺

羅平州人軍功十九年署

彭永壽

鶴慶州人軍功二十年署

楊好謀

巧家廳人武生二十一年署

張世榮

廣西武緣縣人軍功二十一年任

左軍守備

王家燮

貴州人進士

郎品元

曲靖人

何慶春

昭通人恩騎尉

張斌

昆明人武舉

李上達

昭通人武舉

楊開泰

昆明人武舉

東川府續志

卷之一

三

楊定國

昆明人

楊景星

鎮雄人

馬文龍

昭通人

岳昌年

巧家人

黃殿英

嵩明人武舉

馬文新

會澤人

陶勤

昆明人

傅開東

會澤人

張錫泉

會澤人

張嗣會

昆明人

何錫璋

昭通人

楊道成

會澤人

高榮

會澤人光緒二年署

王文保

新興人三年任

孫士誠

昆明人三年署

楊步瀛

臨安人四年署

董義

嵩明人五年署

周忠凌

尋甸人六年署

鄭浩坤 湖南人 七年署

李元 昆明人 雲騎尉 八年署

姜雲龍 曲靖人 九年署

費德芳 南甯縣人 軍功 十年任

任懷寬 尋甸州人 武生 十一年署

李如標 祿勸縣人 軍功 十二年署

趙廷璧 會澤人 勇目 十三年署

周彪 昆明人 行伍 十四年任

劉正德 貴州青谿縣人 行伍 十四年署

林其共 昆明人 雲騎尉 十五年署

劉秀和 昆明人 勇目 十七年署

周鎮安 尋甸州人 雲騎尉 十八年署

劉金佩 祿勸縣人 武監 十九年署

顧思義 昆明人 武舉 二十年任

右軍守備

董暄 會澤人 世職

李上達 昭通人 武舉

東川府續志 卷之一

三

陳官紀 會澤人 世職

徐正奇

劉高甲 臨安人 武舉

王有慶 會澤人

楊世恩 會澤人

劉會春 巧家人

楊有 曲靖人

連如金 臨安人

朱鳳書 巧家人

顏桂芳 會澤人

浦開甲 巧家人

李長華 昆明人 武進士

張治和 昭通人

潘思順 澂江人 武舉

李廷弼 霽益州軍功 光緒十年署

馬綬 尋甸州人 軍功 十一年署

潘思順 河陽縣人 武舉 十一年任

熊光明 雲南府人 軍功 十三年署

任本昌

昆明人軍功
十三年署

張紹堂

富民縣人武
生十五年署

潘思順

河陽縣人武
舉十六年任

羅正東

昆明人雲騎
尉十八年署

鄭清倫

湖南新甯縣人
武童十九年署

楊祖德

南甯縣人武
童十九年任

祥異

咸豐元年苞麥含實多具人物兵器之形 三年
春太白晝見日淡無光三月遂有回匪之變 六
年秋九月朔六日子時天忽開隙形似舟光芒下
垂照耀如晝經時始閉識者曰此天鑑也所見之
方克保完全後回匪屢次侵擾江南大股長髮過

東川府續志

卷之一

三五

境均未入城七年秋彗星見西南數月始沒 八
年歲大饑瘟疫流行死者萬餘人閭郡官紳倡
米糧設粥場於四門逐日賑濟 十一年重建大
成殿上樑之日有白鶴柒隻翔集柱頂經時始去
同治元年歲大饑難民剝食樹皮草根殆盡
十年夏連旬霪雨大水漂禾平地水深數尺淹至
羅烏門外經月始退歲大饑米糧驟長數倍秋八
月靈壁山崩城西北隅傾倒 十二年元旦巳刻
彩雲現覆於覺宮之上五色絢爛倒映泮池歷三

時始散是年領鄉薦者較歷科為盛歲復大稔
光緒三年夏五月旱大饑署知府李衍綬請 帑
五百金復率士民倡捐賑濟全活甚眾 四年麥
秀雙岐八月產嘉禾一莖數穗彩雲屢現 五年
夏集義鄉大水冲廢官庄民田數百畝漂沒居民
數十人 六年三月初九日巧家廳石膏地山崩
先於更靜後忽吼聲如雷夜半從山頂劈開崩移
對岸四川界小田壩平地成邨壓斃村民數十金
江斷流逆溢百餘里三日始行冲開仍歸故道

東川府續志

卷之一

三

七年夏五月集義鄉大水 九年七月朔夜以濯
河出蛟大雨水冲壞田禾數百畝 二十二年七
月彩雲西現

忠烈

明 恆 滿洲正白旗人世襲三等男曾咸豐三年
任東川營參將湯丹回匪叛率師往勦戰
於烏竜力
盡被戕

郭樹雲 廣東連平人會澤縣典史同治元年十月
奉文至集義鄉勘災江南大股長髮入境
被執不
屈遇害

循吏

知府

蕭文言

江都人貢生乾隆五十七年任東川知府

孜孜以作育人才為己任其遺澤難忘尤莫如
改定銅運一事東川當乾隆之世各廠皆旺
京運不竭陸運自東川起至昭通之老鴉潭止
計程一十二站山路崎嶇馬運最便而苦無回
運貨物難給芻豆之資畜馬者弗肯承役用人
背負而行笨重紆遲易至疲困往往棄銅潛逃
移累地主僱夫頂運鄉民被害畏之如虎交言
偵知乃詳請上憲奏設馬行由銅本支發馬
價仍還銅本復招畜馬散戶湊成大幫釐運俾
銅無停滯先是川鹽不行於雲南東昭皆食本
省白鹽文言牒中有請川鹽通行於東昭禁白
鹽不入其境以便配運川鹽一條奏入俱允行
於是運銅之馬回運川鹽來往俱非空行行戶

東川府續志

卷之一

三

既無所苦馬運不至棄銅鄉民亦免受害且馬
價較儉於夫價上關國計青鹽較美於白鹽
不利民生一舉而數善備焉人思其德無
不欲報以馨香前通志未載特補錄之

屠述濂

湖北孝感縣人乾隆六十年知東川府事
多惠政創立施棺會並捐買義地數處與

民閒
澤及枯骨

徐金生

字琛航浙江衢州舉人性溫和寡言語恂
恂有儒者氣道光十七年任東川知府勤

求民隱嘉惠士林郡有節孝事必盡心採訪以
期旌揚暇時常作詩文示諸生提倡風化允推
大宗尤長於聽訟讞局有疑案輒調省往鞠一
訊而決其才幹如此又不僅以文墨見長也

李德生

字培堦河南南陽縣人進士道光二十五年
年知東川府事性仁愛教民勤儉捐置義

地廠欠有逃亡者稟請豁免
戶子孫得以復業為惠尤鉅

汪之旭

字慧生江西臨川人副榜咸豐三年知東

米汁漿布地方錢糧歲保鄉約完掃里胥衙役

輾轉刻剝被其害者多至傾家乃勸殷實捐買

孔昭鈞

字玉巖直隸獻縣人俊秀有膽略咸豐閒

九年因游勇滋事被議免官後

靳登瀛

字仙橋直隸河閒人副榜同治十一年署

水利尤加意士子每課期必進諸生於案前口

講指畫不厭周詳文藝有不佳者輒通篇改正

李衍綬

字松坪山東德州人光緒二年署東川府

東川府續志

卷之一

天

暴次年夏大旱請帑倡捐採買穀米於城鄉

設局賑濟窮民全活甚眾事竣以餘款置田興

知縣

文達

滿洲正藍旗人進士嘉慶二十一年任會

徒斂跡盜賊遠颺

郭安齡

字樸園山西人進士由庶吉士改官知縣

子民亦望之如慈父母焉尤加意學校扶植士

林每月課諸生接見以禮衡文藝盡心改削公

餘進諸生而訓誨之於經史文字剴切詳悉口

講手畫惟恐弗明雖塾師之喻子弟無以過此

當時循吏教養交盡若安齡者亦未易數數觀

也有別任詩云蒞政凡三至臨民但九年何緣

心未了別緒尚愴然

辛本黎

字鷗鄉山東蓬萊縣人由進士出身道光十七年知會澤事儒雅能文留意人才士

有德行者時延署講論待以優禮不事厓岸並詢訪地方情形以故政教多所裨益

黃夢菊

字漱莊江西金谿人進士道光二十三年知會澤縣事勤能有才見城垣坍塌因稟

請捐修較前堅固後地方變亂賴以守望其思患預防之處人所不及大為有功德於民

王毓秀

字月樵安徽六安州人進士性廉明有才斷道光二十八年知會澤縣事嚴禁訟棍

除暴安良無情者不得盡其辭地方稱神明焉

吳世涵

字榕薑浙江遂昌縣人進士咸豐二年知會澤縣事性廉慈愛民如子崇學校課農

桑以正人心厚風俗為急務次年三月聞城外回匪變前往客店彈壓賊遽出幾被戕入城即

東川府續志

卷之一

三

率民壯登陴守禦日夜巡查無稍閒城池賴以保全民思其德至今不忘著有又其次齋時文

靖華璧

字壽丞湖北黃岡舉人性慈和喜讀書尤工楷法同治元年任會澤知縣時值兵戈

擾攘絃誦久廢率諸生講學不怠斯文賴以維持縣屬有採買米日久弊生頗為民累稟前藩

憲岑奏請減免百姓德之

劉馨遠

字桂蓀湖南辰溪縣人優廩生光緒八年署會澤縣事性清介有才幹尤加意學校

因念地方生童附省考試道路遙遠資斧每多不濟時值巧會新增學額遂力懇上游就地

請設專棚蒙部議准兩屬寒士咸嘉賴之惜在任未久因勞病卒囊無餘錢百姓湊資裝殮

教官

余福謙

字醕軒太和縣人性長厚博學能文道光癸未進士歷官四川會理天全岳池富順

各州縣卓有政聲事母孝甫強仕卽告終養歸
母卒遵遺命改清秩道光二十九年選東川府
教授在任十一載實心課士講究品行生童謁
見者必先教以德行而後及文藝尤深於治術
知府汪之旭甚爲欽佩每事必咨詢以故地方
善政多所贊舉如義倉之設與有力焉生平無
一妄語無一躁行善氣迎人郡中父老咸以佛
爺呼之年七十卒於署葬城南靈壁山麓著有
從學要覽

典史

劉偉烈 字小菴湖北江陵縣人監生有才情能詩
道光二十年官會澤典史在任數載佐郡

伯修築義通河培植柳樹千餘株保護堤埂大
爲民利但屈位下僚非其志也公餘之暇與諸
名士往來寄情詩酒凡所閱歷題咏殆遍常有
味菊花詩三十律膾炙人口亦雜職中之儒雅

東川府續志

卷之一

三

者

土司

木邦土司 木邦緬甸所屬擺夷地名在永昌府騰
越廳境外乾隆二十四年土司罕蟒底

與木梳酋長養藉牙構釁劫殺罕蟒底不勝其
地多爲緬酋吞併罕蟒底死弟線養團代統其
眾尤屬式微養藉牙與其子槽駁相繼佔踞線
養團流播遷迄無定所乾隆三十二年緬匪茲

擾邊地 上命將軍公明瑞率兵往討線養團
與其親屬人等趨迎投誠歷隨明瑞暨經略大
學士公傅恆屢立戰功 奏賞線養團二品頂
戴線養五格三品頂戴線養團格六品頂戴各擺夷

俱賞資有差至三十五年南荒帖息振旅而還
線養團以勢力單弱不能自保境土願入內地
安插 經傅恆 奏請 報可復經雲貴總督彭
寶 奏將線養團眷屬計男婦一百四十丁口

安插漾濞隨改移大理府城四十二年三月雲
貴總督李侍堯奏改安插東川府會澤縣地
方量給田畝房屋令其傍田居住自耕而食是
年十一月內遷徙到東隨據東川府知府張璠
會同東川營參將李蘭泰稟稱該土司等不諳
內地耕作請安插於東川府城內較散處鄉閉
易於防範其田佃種收租官為分給雲貴總督
李侍堯批該土司飭行遵辦在案嘉慶元年知府屠
述濂以該土司眷屬罔知禮法每滋事端稟請
總督勒保巡撫江蘭具奏發回木邦當即批
司會議均以所稟碍難准行惟該夷生齒日繁
自應各謀生理未便安居坐食一仰給於官
七年知府鳴鐸奉總督覺羅琅玕巡撫孫日乘
批准將該土司新生丁口編入里甲就近經營
覓食與漢民相安無事同治五年因該夷田畝
多為佃民吞食時布政使司岑毓英往征猪拱
箐率師過境該夷等訴求撥還自種即批准飭
縣遵辦在案計該土司自乾隆四十三年來東

東川府續志 卷之一

五十四年線囊團死其姪五格襲道光七年五
格死其子宋襲咸豐九年宋死其子榮襲同治
八年榮死其子蔚廷襲光緒六年蔚廷死其
子福恩襲福恩幼以其叔蔚忠佐領其眾

孝行

林守義 會澤人住西城外魯機村事親極孝咸豐

三年回匪變亂大肆燒殺父年九十餘病
臥在床守義不忍外逃抱父痛哭坐以待斃無
何火已及舍前後左右具被燒燬獨守義之房
獲全父亦無恙人謂其孝行所感

楊顯榮 富民人幼即克孝年十三隨父貿易到東

致富迎母同養凡二人所欲必購求敬獻以博
歡心自甘儉約生平布衣粗糲不敢與親等後
父母歿常往墓省視歸猶向靈涕泣自言自語
追思曩日尚有某藥未進某味未嘗某服未御

又想到寒微時父母如何苦楚輒放聲大哭數年如是不知者咸謂其愚尤剛隱易欺曾有羅穀者給以折本顯榮將銀讓退反引咎自責以爲過價家愈饒後嗣昌盛屢以孫貴俱贈如其官

陳寶勳

會澤人生有足疾父文芳由道光壬午舉

官數載清廉自矢弟寶銓隨侍任所父子俱染瘴癘相繼而卒旅櫬蕭寺貧無所歸寶勳聞訃罄產跛行往返萬餘里將父弟骸骨檢負回籍擇地葬埋後貧無立錫就親尋甸旋亦病歿遺有二子幸能嗣續至今鄉里有談其事者猶爲之流涕焉

王復昌

會澤人少貧爲小經商養親以其餘力習

行復昌出入背負不敢一日遠離耳與兄素無閭牆之行鄉里皆稱其孝友

東川府續志

卷之一

徐丕紳

邑庠汝瓚長子素克孝咸豐六年五月初

避丕紳不忍舍去賊至欲殺其父丕紳上前救護大呼曰我父老病幸赦宥願以身代賊弗聽并殺之死後屍猶撲在父身年四十七歲

湯允昇

字東旭會澤人幼貧十餘歲卽以仰事爲

則長跪號泣必色喜而後起尤友愛其弟推逸任勞讓美受惡弟受責則同跪分過生平善行最多如施棺給錢拾金不昧凶年代人贖妻女焚借券諸隱德皆以實心推濟不求人知年九十無疾而終

王廷玉

字鼎三會澤人幼有至性早喪父事母極

孝家素貧竭力以供甘旨母多疾廷玉因學爲醫治病多奇中有延之者不問貧富皆盡心診視同治中郡連歲疫廷玉講求方藥賴以

痊活者無算與諸弟同居友愛無閒言尤好行
陰德於養母外常節衣食之費賑濟貧窮郡人
無不高其德行

許應香 會澤人少孤貧背駝竭力事母以賣餅為
業有餘錢即勸酒市肉以博母歡無力娶

婦為母治饌澣衣及滌溺器等事皆終生不厭
有弟一倚兄衣食懶操作應香弗責也母歿哀

毀骨立葬
祭俱如禮

丁甲 會澤人少孤事母極孝家赤貧代人賣故
衣糊口日得餘錢必市菜脯養母遇無售

主不恥向人乞貸雖饑歲未嘗稍缺甘旨年四
十餘無力娶婦代母櫛髮洗足凡衣服溺器俱

親自澣滌終身不懈
後母死甲亦尋卒

艾成元 字裕如庠生會澤崇禮鄉人甫二歲父即
喪家貧母紡績撫養至七歲與村中牧牛

東川府續志

卷之一

值歲饑母隨外家逃難不知所往十三歲見人
讀書心甚喜遂辭牧事幫學館炊爨朝夕有餘
力暗自攻苦師奇之教以文遇童試令出就考
輒列前茅入學後念母綦切聞外家在黔即親
身往尋迄半年杳無踪跡回至興義府馬壁橋
日暮投宿恰是外家母子相逢如同再世住月
餘力請母歸娶妻王氏亦賢淑終母之身孝養
不衰成元秉性樸直尤和睦鄉黨教讀數十年
著有詩辭序
說勸人為善